

ليالى .. المنى

د. محمد صلاح جعفر

حقوق الملكية الفنية محفوظة

اسم الكتاب : ليالى .. المنى


الناشر : جمعية دار النسر الأدبية

مقاس الكتاب : قطع متوسط (٦٠ ص)

غلاف وإخراج فنى

محمد الشحات محمد

رقم الإيداع : ٢٠٠٨/٥٨٧٨



الإهداء

لكل ليلاه ، ولكل مناه ، فإلى مناي وإلى منيتي

إلى زوجتي وكل من ساعدني

إلى الأحبة في كل مكان

أهدي قصائدي ومشاعري الحقيقية الهادفة

فكم سهرت الليالي ورغم عذاباتنا إلا أنها ليلى حبيبة إلى

قلبي

لذا أسميتها ليالى المنى

د. محمد صلاح جعفر

ليالى المنى ومساحة من الحب :

لم يعد حلم الشعراء فناً بين جدران أو ورقة وقلم ...، وإنما إلهاماً تؤكد الأحداث ...، والشاعر الحقيقي أصبح عنصراً رئيسياً بين الثقافة الإلكترونية وثقافة الرصيف وكذلك الفنون المختلفة ، حتى التصورات العلمية والتكنولوجية بما تشهده من تطور سريع ظهر فيها دور الأدب و تنبؤات الشعراء من خلال رؤية مستقبلية رسمتها تفاعيل و صور لما فوق الذهينة ...، فظهرت إشكالية تلو الأخرى ...، و لكأن الأحلام في الإبداع صارت - رغم الليل - آيةً للشمس ، حين تثور و تغضب ، أو تعشق ، فتستدعي صبر الفلاح و صورة الإشعاع و " ليالى المنى " .. ، تلك الليالى التى أعلن عنها شاعرنا " د. محمد صلاح جعفر " أنها دائماً فى عقله وقلبه لأنها تدور فى لوحة فنية نابضة بالحب والإيمان من خلال الكلمة الشاعرة والصورة الضياء فى نبضات د. محمد صلاح جعفر وإبداعاته و التى تتبى بشاعرٍ يمتلك أدواته وأحسب أنه سوف يملأ مساحة راقية بين شعراء العامية المعاصرين ولذا تفخر جمعية دار النسر الأدبية باحتضان باكورة إصدارته.

محمد الشحات محمد

عضو اتحاد كتاب مصر

رئيس جمعية دار النسر الأدبية

تجلت إرادة الله سبحانه وتعالى فى التلاق بيننا بعد غياب دام قرابة الـ ٢٥ سنة وتلك هى قصة لعب القدر فيها دوراً عظيماً وذات يوم حضر إلى ندوتنا بنادى السكة الحديد الرياضى بمدينة نصر شارع وسيم الوجه رقيق المشاعر تعلو وجهه ابتسامة جميلة وقد نفسه لى وذكرنى بموقف كنت قد ساعدته فيه وقت أن كنت أعمل محرراً صحفياً فى جريدة العمال ونشرت عنه موضوعاً فنياً مصحوباً بصورته وظل محتفظاً به هذه المدة واستمعت إلى أشعاره وليس هذا فقط بل وقدم لنا بصوته الجميل بعض روائع الموسيقى فريد الأطرش .. فكان رائعاً فى أدائه الغنائى وتوطدت فيما بيننا العلاقة الإنسانية وأصبح نجماً فى ندواتنا وقمت بنشر أشعاره وأخباره الفنية وشارك معنا فى جميع الأمسيات التى أقامتها قافلة أبو سعاد الثقافية الفنية فى العديد من محافظات مصر ولأنه عاشق للأدب والفن فقد تطور تطوراً فنياً سريعاً لأنه يملك موهبة متدفقة تعينه فى إجادتها ثقافة عالية لأنه يتفاعل مع كل الظروف بإحساس مرهف وشفافية إبداعية نادرة. وها هو يقدم من خلال هذا الديوان مجموعة قصائد غنائية متميزة بكثافة المعانى وغازاة الموسيقى الداخلية وملينة بالصور الشعرية والخيال وفى غالبية القصائد التزم بأصول كتابة الشعر مستخدماً العروض الخليلية وقد نجح فى اختيار هذه الباقية الغنائية والتى تتعرض لها ليس بالنقد والتحليل ولكن بتسليط الضوء عليها فنراه يقول فى أغنية بعنوان ساحرانى :

| | |
|------------------------|------------------------|
| ساحرانى بهواكى يا سمره | ورموشك كمان سحرانى |
| من غيرك لا حقد أفكر | ولاحكتب سطور وأغانى |
| سبحان اللى أبدع رسمك | سبحان اللى جمل عينك |
| على غصنك بلابل غنت | بكلامى اللى بينى وبينك |

إلى آخر المقطوعة التى كتبها برشاقة الشاعر الغنائى المتمرس
ومن مقطوعة أخرى بعنوان أم الجدائل قال فيها :-

يا أم الجدائل جنى
جنى وأنا مستتى
يا روحى يا حنة منى
منى عليه وحنى
وقد استخدم الجنس برشاقة ورقة وعذوبة وبأسلوب سهل
وبسيط يصل إلى قلب المتلقى فى يسر :

ويقول فى مقطوعة بعنوان (أحلى من الياسمين) :

جوه ننى العين
يا أحلى م الياسمين
يا زهرة مالت قالت
دارت شموع العين
غنيت معاكى وغنت
طبور الهوى .. بقلبين

يا أحلى من الياسمين

إلى آخر هذه المجموعة الجيدة التى تناول فيها جميع
ألوان التعبير الشعرى الغنائى بالعامية المصرية .. فهو ملئ
بالنغم وبالشعر .

ولو تحدثنا عن موهبة الشاعر الفنان دكتور محمد صلاح
جعفر لما استطعنا أن نعطيه حقه. ولكن هى مجرد إشارة خفيفة
وبعدها أترك لمن يقرأ هذا الديوان بالاستمتاع بما جاء فيه من
قصائد غنائية معبرة وأتمنى أن ترى النور عبر الانتاج الفنى فى
يوم من الأيام ليكون إضافة جديدة ومعبرة للارتقاء بالتراث الفنى
فى عصرنا هذا.

وبالله التوفيق

بقلم الشاعر الصحفى

محمد إبراهيم مصطفى (أبو سعاد)

عضو اتحاد كتاب مصر مؤلف أغانى

بالإذاعة والتليفزيون

ليالي المنى

ليالي المنى أحلى ليالي

فيها الهنا دائماً في بالي

والليلة فيها كل الليالي

والقلب يفرح ولا يبالي

دايماً ف عقلي

دايماً ف بالي

ما تيلاً بينا ننسى اللي فات

ونعيشها أحلى الأمنيات

وان عدى بكره أو بعده فات

تخاف ما يبقى غير ذكريات

دائماً ف عقلى

ودائماً ف بالي

يا أهل الهوى خلوني بينكم

أعيش هواكم و اكون حبيبكم

واعيش معاكم على هواكم

واكون معاكم نهار وليلكم

أحلى ليالى

واعيش ليالى

دائماً ف عقلى

دائماً ف بالي

ليالى المنى

يا زائنة الموناليزا

يا زائنة الموناليزا

بتبصي شمال ويمين

يا واخده قلبي مني

ومدوبني الحنين

م الحب اللي ف عنكي

رسموكي الفنانين

لو بس مش بحبك

يا روجي حا احب مين

يا ام الرمض الكحيل

يا زائنة الموناليزا

ف الرايحه واخذه عقلي

والجايه يدق قلبي

وبشتقلك تملـي

يا غاليه ياكل حبي

والكل غاروا مني

لما لقيوكي جنبي

والكل بيجبوكي

بس انتي بتحبي مين

ساحراني

ساحراني بهواكي يا سمره
ورموشك كمان ساحراني
من غيرك لا حا اقدر افكر
ولا ح اكتب سطور أغاني
دا هواكي ياروحي يحير
بيداوي قلوب بتعاني
سبحان اللي أبدع رسمك
سبحان اللي جمل عنك
على عودك بلابل عنت
بكلامي اللي بيني وبينك
واهي جتتي الحبايب هنت
وحتى العزول هناني

ع الخطوة القلوب بتميل

ف عنكي تدوب مواويل

يا ماشيه بعطر جميل

يا سمره يا بنت النيل

بحبك وحبى أصيل

عشانك وكم ان عشاني

رموشك هوى وشطين

وفلوكه ومكان لانتين

وبيت مش بعيد متزين

يجمعنا سوا حبيبين

أنا وانت يا نور العين

وحا يبقى سعدني زمانى

م تجنني معاك

ح تجنني معاك كده ليه
قلبي يسامحك وتقسى عليه
لو كان قلبك تبكي عليه
أما أنا قلبي ده مين حواليه
ياما عني هدي كانت تشكي
ياما بدمعي كنت أنا بيكي
حتى النجم هدي باتت تحكي
عن قصتنا وكل ده ليه
كان قبلينا كتير أحباب
عابوا زمانهم ولا يتعاب
وانت ظالمني ولا يوم تاب
عنك قلبي وهنت عليه
خلي ف قلبك ليه مكان
خليني جنبك أعيش ف أمان
عايز حبك زي زمان
ليه تحرمني من لياليه

بنقوللي قاسي

وانت اللي قاسي

بنقوللي قاسي

وانت اللي ناسي

بنقوللي ناسي

يا ريتتي اقدر أنساك يا ريت

عرفت المنى وشفتك

عرفتك عرفت الهنا

ياريتتي ما شفتك ولا عرفتك

شغلت روعي عليك

شبكت قلبي بيكي

ومهما تقسى مقدرش أنسى

حافضل أحبك طول عمري

وانت اللي ناسي

بنقوللي ناسي

يا ريتتي اقدر أنساك يا ريت

انتقل وادلل على كيفك

انتقل وادلل على كيفك

ومسيري ف يوم برضه حا اشوك

من قبل ما اشوفك حبيتك

ف شقاوتك وف رعدة طوفك

حبيتك وانت قريب مني

وبحكك وانت مخلصمني

ياللي انت بحبك خلبيتي

حبيتك لو حتى ظالمني

أنا عايزك بس تقابلني

وابقى انتقل بعدين على كيفك

بس اما تحيني وتوعدي

واشرحلك ناري وتعذيبي

حاتحن عليه وتسعدني

ودا أصله طبعك يا حبيبي

دا بكلمة حلوة حا ترضيني

وابقى انتقل بعدين على كيفك

أهلاً ببيك في بلاد النيل

أهلاً ببيك في بلاد النيل

قرب صور شط جميل

ح تشوف عندي اثار ونخيل

وتشوف برضه فن أصيل

ع الأهرام حا تبص كثير

وراح تستغرب للتووير

وراح تتعمق ف التفكير

وتقول دي هبة النيل

ويا الرحلة حا تلقى حاجات

علم وفن وف اللوحات

نقش وفن كثير ألوفات

ويا معابد عصر طويل

ويا البسمة والترحيب

كل ما تسأل حد يجيب

دافيه بلادنا بكل حبيب

ليها حا ترجع بعد قليل

بلم أمهات

بلح أمهات بلح أمهات

بلا حكايات الشاطر مات

كان شاطر والله ويذاكر

وطالع م الأول شاطر

خد أعلى شهادة ومش ناكر

لجميل ومسجل ف دفاتر

كل اللي ساعدوه ولغاية

ماخذ أعلى الدرجات

في كل الأشغال بيقاوح

ولا همه بكره ولا امبارح

مش عايز مكتب بمراوح

ولا فرقة رقص ومسارح

وواخدها بجد ومسامح

والدنيا معاه أهى دايره

وحياته كلها حكايات

لو غنى بيغنى آهات

من فجر ثلاثة وعشرين

من فجر ثلاثة وعشرين

للنصر ثلاثة وسبعين

ودعنا الحزن ف تشرين

يا حبيبتى يا أم الملايين

وبابا الباشا ولا نينه

ولاخمره جوه الأنينه

بصانع صلب و بريمه

بتفجر في شبابك زينه

مزارع ترويهها عزيمه

وأياي طائلة وأمينه

بواسل وقلوبها جريئه

وسياسة حكيمة ورزينه

كان قبل الفجر بأحلام

واتعلق الحلم وطال

بعد ما جاها المقدام

بالكلمة وكم ان أفعال

والعلم اتكلم فيه وصال

سماكي اترفعت أعلام

بالحق عظيمة وآمال

اليوم صبحت حرية

يكفلها زعيم وهمام

وصبحت لشعوبنا هوية

واضحة مش بس كلام

في صحافة عالية وتقنية

وعماله وف كل مرام

وصبحت أيماننا هنية

بالحكمة ودايما قدام

بحبك قوي يا عنية

بحبك قوي يا عنية

يا أغلى م الدنيا ديه

لو قيدو لي إيديه

بحبك قوي يا صبيه

بحبك قوي يا عنية

بحب الهوى ف هواكي

طول أرضك طول سماكي

ولا عايز غير رضاكي

يا أم العيون عسليه

بحبك قوي يا عنية

عنك مقدر شاننا أبعد

يا ام العيون دي بتوعد

ف الدنيا ايه يسعد

وف صحرا من غير ميه

بحبك قوي يا عنية

يا سائلة تملي عني

موحسنك كمان فقتني

خلاني احبك أغني

يا أغلى من عنيه

بحبك قوي يا عنية

حبيبتي يا ملاكي

حبيبتي يا ملاكي

قوليلي مين قساكي

وليه بس الغياب

وايه معنى العذاب

غير بعدك يا ملاكي

نسيت كل الصبايا

عشانك يا منايا

مليش أنا أي غاية

غير فصل م الرواية

يجمعني بس بيكي

والاقيني بين إيديكي

واكون نجم بسماكي

حبيبتي يا ملاكي

مش عايز رد منك

ولا شيء يبعدني عنك

غير بس لما أقولك

أكثر من روعي أحبك

يا واخذه قلبي مني

اللي محيرني إني

روحي وقلبي معاكي

حبيبتي يا ملاكي

مفيش في الحب أحلى

من حب يزيد ويعلى

يا نجمة بيه تعالى

انا بيكي ياما باعلى

وباعيش معاكي جنه

وانا عايزك سنه سنه

واسعد بس للقاكي

حبيبتي يا ملاكي

غادة الكاميليا

يا زايده ف الجمال
يا سايقه ف الدلال
وجمالك فيه المحال
والكل ليكي مال
يا غادة الكاميليا

ايدك ما كنتش طايله
يا غادة الكاميليا
والدنيا معاكي مايله
مين قدك في الدلال
يا غادة الكاميليا

الكل حب فيكي
وكان اللي يناديكي
سحر وجمال عنكي
كان همه في المنال
يا غادة الكاميليا

الكل معاكي غنى
ولما طال واتهنى
و بماله كان يستنى
يا ما قال عليكى قال
يا غادة الكاميليا

حواليكي كان كتير
وحالك كان فقير
الداني والأمير
والليل عليكى طال
يا غادة الكاميليا

لما مال الزمان
هجرولك المكان
وراح كل اللي كان
لما ضاع الجمال
يا غادة الكاميليا

محدث حب روحك
للكل اتمد طولك
ولا داوى يوم جروحك
ولا حبك غير دوفال
يا غادة الكاميليا

نامي ارتاحي يا غاده
ف الموت ليكي السعاده
نامي ارتاحي زياده
اسمك قصة ومقال
يا غادة الكاميليا

ليه تحيرني

ليه تحيرني ليالي معاك

ليه تسهرني بجرح هواك

عايز اتهنى ياروحي معاك

دانت ظالمني وانا بهواك

ارحم قلبي وعيش ويايا

زي أحبه كثير يا هنايا

خلي عيوني دي تنسى بكايا

وافرح مره كده وياك

حس حياتي حس بقلبي

شوفها بعينك ويايا بمبي

خليك دايمًا خليك جنبي

دانا من قلبي بحب هواك

ليه ها تضيع عمر جميل

لو راح منا ما لو هشي بديل

واسمع دايمًا لحن جميل

يا لله نغني أنا باهواك

ليه تحيرني ليالي معاك

مبقاش بحبك أنا

| | |
|----------------------|----------------------|
| مبقاش بحبك أنا | وانت تغيب بالسنة |
| مش عايزه منك مال | انا عايزه راحة البال |
| د عايزه أحسك أنا | مبقاش بحبك أنا |
| انا حاعمل ايه بالمال | انا عايزه بس سؤال |
| وانا ليلي منك طال | دا حالي معاك بقى حال |
| ف الغربة انت هناك | وانا قاعدة باستناك |
| دنا مبقتش انا | مبقاش بحبك أنا |
| ارجعلي يا الله قوام | وخلي عيوني تنام |
| كفايه م الأوهام | راحت عليك أعوام |
| في الغربة انت هناك | وانا قاعده باستناك |
| خلاص ما ضاع حبنا | مبقاش بحبك أنا |

رام اسطر سطور ف هواكي

راح اسطر سطور ف هواكي

وها اخلي الدموع تتساکي

بالفرحة واقول وياكي

يا حبيبتي انا بهواكي

لا أنا هانسی هواكي ده يوم

ولا اخلي ف حياتنا نوم

وحا اسهر معاكي نجوم

وتغني السعادة معاكي

وحا الف معاكي الدنيا

ونعيشها دقيقة وثانية

وتبقى الحياة حاجة ثانية

يا حبيبتي دا كون زياكي

انا حاكتب هواكي أشعار

واخلي الحروف أنوار

يحكيها كبار وصغار

ولا حد ياروحي ينساكي

بتشوفها وبتتجنن

| | |
|--------------------|--------------------|
| يا قلبي وبتطنن | بتشوفها وبتتجنن |
| تحن وبتتجنن | عليها قوام بتجري |
| وصورتها مالىه عنيه | طب ليه تكذب عليه |
| وف وصفها بتتفنن | ويوم ما تجيب هديه |
| حب وقد ما تقدر | حب يا قلبي واسهر |
| وحبيبك ليك يهنن | بالحب يا قلبي تصغر |
| وتحبك زي حبك | يا ريت هيه تحبك |
| ده غرامك شيء يجنن | وتبقى يا قلبي جنبك |

بتشوفها وبتتجنن

حابعد عنك بعيد

| | |
|-------------------|--------------------------|
| واروح لمكان بعيد | حابعد عنك بعيد |
| ويمكن اكون سعيد | وح ابدأ من جديد |
| ولا حياس من زمانى | حابدا مع حب تانى |
| حالقى غيرك أكيد | وزى ما ليك هداى |
| ولا ارضى بالإهانه | مش حا اياس م الخيانه |
| وشموعى ف يوم تقيد | وف ألقى الأمانه |
| وعيونك يومها تدمع | وف عني حا تسمع |
| نارك والنار تزيد | ولا حا اشممت يوم ما تولع |
| وكفايه عليه دمعك | د يومها بس اسامحك |
| وتكون إنسان جديد | يمكن يمسخ خيانتك |

راح أحبه من بعيد

راح احبه من بعيد

وبحبه ها كون سعيد

عشان قالو البعيد ع

البعد يبقى غالي

وأقرب يمكن أفرح

ويكونلي ف قلبه مطرح

بس انا خايف ليه يجرح

ويسهرني ليالي

يمكن ف القرب يطمع

دا الناس على طول بتسمع

بملاص الناس بىوجع

حتى لو كان حالي

أنا مش قد الدموع

والفرقة والرجوع

ويوم تطفى الشموع

ويصعب عليه حالي

يا ريت منه أقرب

من كاس هواه وأشرب

بس اللي منه أهرب

ينسى ويشغلني بالي

خلاص يا دنيا الحب

خلاص يا دنيا الحب

مش راجع ليكي تاني

لو حتى دق القلب

حا اقوله روح انساني

كفايه بقى م الحب

وكفايه م اللي جوالي

أيام ما كنت بحب

خلاص يا دنيا الحب

خلاص من غير هموم

حا اعيش ولايوم مالوم

وتشوف عيوني النوم

ولا اقول دانا مظلوم

وحا عيش كده وحاني

من غير حبيب ولا حب

أيه بس اللي جنيته

م الحـب والأحباب

من دمعي كثير سقيته

وعني هو غاب

ولا يوم حس بيه

ولا حتى كان له قلب

وتشوف عيوني النوم

ولا اقول دانا مظلوم

وحا عيش كده وحاني

من غير حبيب ولا حب

أيه بس اللي جنيته

م الحـبب والأحباب

من دمعي كثير سقيته

وعني هو غاب

ولا يوم حس بيه

ولا حتى كان له قلب

أنا مني الأمانى راحت

أنا مني الأمانى راحت

وف لون نظرة عنكي

من يوم روحك ما باعت

روحي وأنا بين ايديكي

واللي باقي لي منك

سطور بالحب ضاعت

ففي قلبي الحزن ساكن

سهران عندي ليلاتي

بحايل فيه ولكن

مش راضي يسبب حياتي

ونجوم الليل تعاتب

وسمايا بيه غامت

وزي الدموع ما تجري

كان عمري معاك يجري

انا بيكي ضيعت عمري

ولا كان في شيء بأمرى

بس أعمل ايه نصيبي

وف عشره عليكي هانت

مبقاش ليه مكان

ف قلبك ولا عنوان

راح فين حبك زمان

دا الحب مالوش أمان

راح فين بس اللي كان

وف دنيا مني راحت

دلّعنني حبه حبه

| | |
|----------------------|-------------------|
| دلّعنني بالمحبّه | دلّعنني حبه حبه |
| واستتي عليه حبه | غنيلي غنوة حلوه |
| يا حبيبي حبه حبه | واسقيني كاس هواك |
| حلوة ورقه وشقيه | دلّعنني قطّة |
| مش حا از عل م الأسيه | وان كنت عليه تقسى |
| يا حبيبي حبه حبه | واسقيني كاس هواك |
| أنا حبي ليك بيكبر | أنا لسه عودي أخضر |
| وبورد شفايفك أسكر | خليني بحبك أسهر |
| يا حبيبي حبه حبه | واسقيني كاس هواك |
| يا حبيبي بالسعاده | بحس وانت جنبني |
| بيدق دقه زياده | بحس بنبض قلبي |
| بيهدى حبه حبه | واما اطمن عليك |
| يا حبيبي حبه حبه | واسقيني كاس هواك |

ياللا تعالى

ياللا تعالى نعيش أوقات

زمن الحب نعيش فيه ساعات

ننسى الحزن وننسى آهات

دابت بينا ووقتها فات

ياللا تعالى نعيش ثانيه بثانيه

يا الله نشوفها بعيون ثانيه

وتنس معايا كل الدنيا

وزي ما نقرا في الروايات

تعالى ياشمعه قلبي وروحي

تعالى قوليلي يا الله وبوحي

تعالى بحبك داوي جروحي

قبل ما نبقي دموع حكايات

قبل ما نبقي ذكرى انا وانتي

خليكي جنبي سندي حبييتي

دانتني منايا ولا يوم هنتي

وبلاش تبقي حياتنا آهات

انت حبيبي

انت حبيبي اللي انا باهواه

واسأل قلبك مين أساه

لوشاف غيري وداب ف هواه

انا يا حبيبي حا اسيبه وانساه

لوكان حبك راح ولغيري

قوللي ياروحي وارضي ضميري

مش معقول تبقى أسيري

وانت لغيري بتتمناه

انا علشان ما انا لسه بحبك

وعشلىن حاسس بيك وبقلبك

وياه إبعد لو كان حبك

أما أنا جرحي راح القى دواه

أنا مش عايزك تخذع قلبي

ولا اثيل ذنبك ليه بتخبي

وأنا خيرتك يا حبيب قلبي

يا الله ارجعلي يا تبقى معاه

واوعى تفكر إن أنا عنك

كه بتنازل أو عن حبك

لا يا حبيب أنا لسه بحبك

بس ان كان ده يا ريت تتساه

أحلى م الياسمين

| | |
|----------------------|--------------------|
| جوه ف نـن العين | يا أحلى م الياسمين |
| زهره مالت قالت | قادت شموع العين |
| غنيت معاكي وغنت | طيور الهوى بقلبين |
| انتي المنى يا منايا | والصبر أجيبه منين |
| مش بس انتي هنايا | دا انتي فرح قلبين |
| حتى العذاب ينساني | واقابلك امتى وفيين |
| عمري اللي فات بانتظر | يوم اللقا ولقيت |
| ما احلى ساعات السفر | ويا الحبيب والبيت |
| عمري اللي فات اعتذر | لما لقاني بكيـت |

بدمي بدمع العين

| | |
|----------------------|-------------------------|
| ياالله يا دنيا اضحكي | ضحكة رضا وسماح |
| بعد السواد والضنا | خلاص حا اعيش وارتاح |
| ده كل اللي فات اتنسى | مش حا ابكي على اللي راح |
| وكل ليل وآخره صباح | ولا تبكي بقا يا عين |

السمره منال

| | |
|--------------------|---------------------|
| يا عم يا ابو منصور | من غير ما الف وادور |
| جوزني بنتك منال | ام عقد وشال |
| وبدال ما ابقى جار | أشوفها ليل ونهار |
| وتبقى ام العيال | وابقى ابو العيال |

م السمره الحلوه منال

| | |
|---------------------|---------------------|
| صحيح دي هيه سمره | لكن كمان أصيله |
| جمالها كمان ببسحر | زي جمال خميله |
| لا باصه لفوق وعامله | فيها البنت الجميله |
| ولا طماعه وعائزه | قصر ويا الجنينه |
| دي كمان خفه ورقيقه | وبرضه ف الأصل عيله |
| ام الرقه الجميله | السمره الحلوه منال |
| واللي زابنها اكثر | جما الحب بينا |
| طهاره ويا العفه | من يوم ما اتقابلنا |
| والطيبه والأماره | كمان لما اتعاملنا |
| ع الحب ويا العشره | اتعاهجت واتعاهدنا |
| انا والرقة الجميله | السمره الحلوه منال |
| دي حلوه ف كل حاجه | يا الله قولني موافق |

| | |
|--------------------|------------------------|
| وبجد مش منافع | انا جايك دوغري صريح |
| قدام كل الخلايق | كل اللي عندي واضح |
| زعلان قوي متضايق | من غيرها والله حا ابقى |
| السمره الحلوه منال | من غير الحلوه لولا |
| بعد ما تكون مراتي | مقدرش استغنى عنها |
| ورد وارضي حماتي | وراح افرش ليها وليكو |
| انا بيها عن حياتي | وتكون راضيه وراضي |
| حا ادعيلكم ف صلاتي | وليك عليه دايماً |
| السمره الحلوه منال | وادعي للحلوه لـولا |
| جوزني بنتك منال | ياالله بقى يا عمي |
| وبدال ما ابقى جار | ام عقد وشال |

اشوفها ليل ونهار

وتبقى ام العيال وابقى ابو العيال

أم الجدائل

| | |
|---------------------|--------------------|
| حني دانا مستتي | يا ام الجدائل حني |
| حني عليه حني | يا روعي يا حته مني |
| بدعي واقول ياربي | سنين طالت عليه |
| تعالى يا روعي جنبني | ليه ترضى با لأسيه |

| | |
|------------------------|-------------------|
| تعالى هلى عليه | خلى الزمان يسعدني |
| إمتى الزمان يجمعنا | نبقى سوا حبيبين |
| يبقى لحياتنا معنى | زي كثير عاشقين |
| نهدى سوا ف طريقنا | كثير زينا تايهين |
| الدنيا دي إيه يا عيوني | غير حب ولونه جميل |
| لا راحت ولا حا تهوني | وحب وطبعه أصيل |
| دا العمر بيجري مني | حني عليه حني |

تحت أمرك

| | |
|---------------------|----------------------|
| مرت قوام بسرعه | مرت كما الأحلام |
| مرت من غير ما ندرى | أيام ورا أيام |
| في سورة الكهف عبره | مرت كثير أعوام |
| تلات ميات وتسعه | والعمر مش بكام |
| إنس الزمان إنساه | واعرف إنك مغادر |
| لا عز ليك ولا جاه | لك يوم فيه تسافر |
| لا تقول ع العمر ياه | ولا دا طويل يا شاطر |
| والكل ليه دنياه | وعمرك في الدفاتر |
| ياما أمم قبلينا | راحت وراح أصحابها |
| والدنيا دي مش لينا | مين اللي حاش أحبابها |
| حتى ف جمال ليالينا | بنبكي على اعتابها |
| مين فيها ولا فينا | يقدر يغلبها |
| لابد يوم حاتسافر | حوش بقى ولنفسك |
| حوش كثير ياشاطر | واوعى ف يوم تغرك |
| واياك فيها تغادر | وتبقى هيه كل همك |
| ومهما كنت قادر | عمرك مش تحت أمرك |

حبي الغالي

يا منالي آه يا حبي الغالي
 مين غيرك راح يشغل بالي
 من إسمك أنا أقول موالي
 آه ياعيني يا ليالي
 سمارك ده ف لون الخمره
 يسكرني ولا يشرب خمره
 وشفايفك دي كاسات بالخمره
 تسقيني النهارده وبكره
 ساحراني ليلاتي أي والله
 وساحره عيوني ليالي
 بس إمتي يا روعي الدنيا
 تضحك لينا وتبتسم
 وامتى راح نصبح صحبه
 ومعانا الطيور تتعلم
 ونغني معاها غنوه
 ع الحب وقمره العالي

عرعر بيه .. عرعر بيه

كل الدنيا بتجري عليه

فل عليه ورد عليه

كل الدنيا ملك إيديه

مع إنه حمار وبيرفس

لكن بفلوسه بيرقص

لو شاف عم تحتتمس

م الدنيا حا يخليه يملص

دا يعر المصري وأجداده

إخص ليه إخص عليه

لا ف صنعه بيّفهم ولا حتى

ف تجاره غير هيه الشنطه

إزاي الضايح يتأتى

كل العصافير حتى البطه

اللي لو تمشي بتجنن

كل الصبيان واهل الحته

أصيل وف جنبه مش عارف

يحوش مهر ولا حتى الشبكه

من كثر السهر مش شايف

مع إن عني هدي كانت قطه

سهران بيلعن بشفايف

ملعون أبو هادي الفكه

عرعر بيه .. عرعر بيه

مشتقلك يا حبيبتي يا أمي

| | |
|--------------------------|------------------------|
| مشتقلك يا حبيبتي يا أمي | من نيلك شرياني ودمي |
| ف الغربه مشهود لي واسمي | المصريوف عملي وعلمي |
| كام شاعر اتغنى وقال | والمطرب غنى بموال |
| ومحدث من ثوبك طال | يا أغلى من روحي ودمي |
| في رحابك أزهر وكنيسه | ومشايع علما وقسيسه |
| وعدرا وف العلم نفيسه | وان حد ناداكي بتهمي |
| مين قدك في الدنيا دي مين | مين زيك يا ام الملايين |
| مين زيك صادق وأمين | وولادك بالحضن تضمي |

قالت لي بحبك

قالتلي بحبك وانت ف قلبي

وانت حبيبي وليه أنا اخبي

كل كلامها كان عن حبي

قالتلي سنين دايين ف حنين

قالتلي بحبك وانت حابيني

ليه بقي تنكر نعمة حبي

ده غيرنا ما شافها ولا يوم طالها

قولها معايا قول يا هنايا

قولي بحبك ليه حا تخبي

زي القسمه هوانا جميل

زي الرحله ويا النيل

ماليه سمانا نجوم الليل

عائشه معانا تقول مواويل

مين يا حبيبي زيي وزيك

وانت حبيبي أيوه بحبك

قولي بحبك ليه حا تخبي

ارحم قلبي

ارحم قلبي ليه تتعيني لو حاتسييني قول حاتسييني
مش تلاوعني وتبعد عني و ساعني
ارحم عيني من دمعنها ح ح
ليه حاتخلي شبابنا يفوتها ويا الفرفه وتبقى ظالمني
ليه حاتعاند وانت ف قلبي وكمان عارف قوة حبي
ليه تتعيني ده قربك جنبي هوو الفرحة ليه تعذبني
لو راح تبعد تتسى لوعدي انا راح أعاند واخلف وعدي
ويضيع حبك ويضيع ودي وانت حاتخسر لو تعاندني
عيش ويايا دانت هنايا وانت حبيبي وانت منايا
عيشها بصدق تكون ويايا أغلى حبيب لو تعاھدني

ولا طب ولا هندسة

| | |
|----------------------|--------------------|
| ولا طب ولا هندسة | ولا علم ف المدرسة |
| دا صاحبنا من كام سنه | بنى قصر م المهيصة |
| صحيح العلم يرفع | بيوت كتير ولكن |
| عمره لوحده ما بيني | بيوت ولا مساكن |
| ولا يفتح لنا مصنع | ويرمي له أساس |
| ويخلي قلوبنا تفرح | ونغني للهنسة |
| كام عالم راح بعلمه | ولا حد حاسس بيه |
| وهوه كمان وظلمه | قله ماله ف أيديه |
| وصاحبنا البيه بيصرف | كتير الافات جنيه |
| على المزاج وغيره | ويقول طب حاعمل ايه |
| في الملس والهلوسة | ولا طب ولا هندسة |

بتقول بتعزني

| | |
|----------------|------------------|
| وكمآن بتحبني | بتقول بتعزني |
| وكمآن تقصد ايه | أمال بعدك ده ليه |
| بتقول بتعزني | مدام بتحبني |
| يبعد عنه بعيد | هو اللي يعز حد |
| زيّ وقلبك سعيد | منتاش واخدها جد |

٢٠

| | |
|---------------------|-------------------|
| لو كان بعدك دلال | ده منايا ف انوس |
| وان كان بعده الوصال | صحيح بتحبني |
| بس ابقى عارف انك | بتقول بتعزني |
| وتقول بتحبني | يكون زي الحقيقه |
| ياريت بس كلامك | بالتانيه والدقيقه |
| وانت ف قلبي مكانك | وبقلبي تحبني |
| ياريتك تبقى زيّ | مش عايز حاجه منك |
| خليك كده على كيفك | واسعد مره ف قربك |
| غير بس مره اشوفك | وعني كدي تضمني |
| والقى صورتني ف عنيك | بتقول بتعزني |
| وتقول بتحبني | |

موال الخريف

أنا شاعر في خريفي بغني من بعد ما دبلت مواويلي
وأخيرا أهى جت تسمعني وتتنور بالنور قناديلي
جريده ومجله لفني نشرت واهي حفت مناديلي
وصفتني وكمان سميتني شاعر الخريف فا قلت يا ويلي
غنيت وجودت قصايد بالفصحى وكمان بالعامي
وقلت للكل وقايد شموعي وللكل ياعمي
وعشان ميتبقاش كده عايد بجرح زيي وبإسمي
مشوارياه كثير صعب مشيته ومقولتش صعب
علشان الامه من الصعب يمشيها اللي مالوش قلب
وياما كثير ياما ف القلب كثير مشاعر كثير حب
عشان كده بغني بحب من غير طيب من غير طب

فهرست

| رقم الصفحة | العنوان |
|------------|------------------------|
| ٣ | إهداء |
| ٥ | مساحة من الحب |
| ٦ | مقدمة |
| ٨ | ليالى المنى |
| ١٠ | يا زينة الموناليزا |
| ١٢ | ساحرائى |
| ١٤ | ح تجننى معاك |
| ١٥ | بنقولى قاسى |
| ١٦ | انقل وادلل |
| ١٧ | أهلا بىك فى بلاد النيل |
| ١٨ | بلح أمهات |
| ١٩ | من فجر ٢٣ |
| ٢٢ | حبيبتى يا ملاكى |
| ٢٤ | غادة الكاميليا |
| ٢٦ | ليه تحيرنى |
| ٢٧ | مبقاش بحبك |
| ٢٨ | راح اسطر |
| ٢٩ | بتشوفها وتتجنن |
| ٣٠ | هابعدك عنك |
| ٣١ | راح احبك من بعيد |
| ٣٣ | خلاص يا دنيا الحب |
| ٣٦ | منى الأمانى راحت |

| رقم الصفحة | العنوان |
|------------|------------------|
| ٣٨ | دلغنى |
| ٣٩ | ياللا تعالى |
| ٤٠ | انت حبي |
| ٤٢ | أحلى م الياسمين |
| ٤٣ | السمره منال |
| ٤٦ | تحت امرك |
| ٤٧ | حبي الغالى |
| ٥٠ | مشتقالك |
| ٥١ | قاللتى بحبك |
| ٥٢ | ارحم قلبى |
| ٥٣ | ولا طب ولا هندسة |
| ٥٤ | بتقول بتعزنى |
| ٥٥ | موال الخريف |

رقم الإيداع : ٢٠٠٨/٥٨٧٨

الشاعر فى سطور



- دكتور / محمد صلاح الدين حسن على جعفر.
- اسم الشهرة / محمد صلاح جعفر.
- طبيباً بيطرياً حراً
- عملت بالشركة المتعمدة للإنتاج الدواجن بمدينة السلام قطاع عام.
- ثم حراً بالمزارع الدواجن وكذلك سافرت للسعودية من أجل العمل ، لى ولد وبنت عصام وشيماء ، متزوج.
- وعملت أخيراً باحدى شركات القطاع الخاص مديراً للتغذية والجودة بمدينة بنها.
- عضو مجلس الإدارة رابطة الزجالين وكتاب الأغاني.
- مطرباً بفرقة السلام للموسيقى العربية بقصر ثقافة السلام.
- عضو مؤسس بقافلة أبو سعاد الثقافية الفنية.
- عضو القافلة حبيبى سعدتك الموسيقية بقيادة مصطفى الشاذلى الفنان الأوركستراالى العالمى.
- نشرت أعمالى الأدبية الشعرية التى يديرها الصحفى الكبير / حزين عمر وكذلك مجلات صوت فلسطين والسلام العربى تحت إدارة الشاعر الكبير / المتولى حمزة والصحفى الكبير / جمال عمر وجريدة الأحرار وأيامنا الرعية وأيامنا وعلى

الطريق وهذا الديوان الأول " ليالى المنى " وأيضاً جريدة
الرأى تحت إشراف الأستاذ الكبير والصحفى الشهير الأستاذ
/ خيرات عبد المنعم.

- جريدة الزمان والأحرار القسم الأدبى مع الصحفى الكبير /
إيهاب عبد الستار والأستاذة / أمانى عبده.
- ومعظم الجرائد اليومية وأكثر المجلات وعلى الطريق.
- وهذا الديوان الأول " ليالى المنى " أسجل فيه نبضات قلبى
وأهديه إلى منأى وزوجتى وكل من ساعدنى فى إصدار
ديوانى الأول وعلى الطريق

صدر حديثا من الجمعية

| اسم الكتاب | المؤلف |
|----------------------------------|--------------------|
| عيون عارية | محمد الشحات محمد |
| امراة الثلج | |
| قصص شاعرة | |
| سلاما حكيم العرب | |
| ما .. مات نوبل يا عرب | |
| البرادعي بين الوكالة والشعر | |
| زغاريد الأكم | |
| قصائد مصورة (رسوم وأشعار) | |
| ديوان النسر الشاعر | |
| ومن النقد إلى الشعر نظير | |
| دوما نساغر للأفق | أحمد السرساوى |
| هل تهرب الشمس | |
| أوليات العشق | على رضوان |
| الاعيب ممنوعة | محمد قرني |
| عاشق بلا أوتار | زينب عبد الوهاب |
| العطر الهمجي | |
| قضية بنت القاضي | محمود إبراهيم يوسف |
| استراحة القلوب من نار الذنوب | خيرات عبد المنعم |
| الشوق والحنين لإمام المرسلين | |
| واقف على بابك | ربيع محروس زيادة |
| السيرة للبراعم الصغيرة | عنتر أغا |
| دواوين الشاعر محمد على عبد العال | محمد على عبد العال |
| خيرات .. تاريخ | نخبة من الأدباء |
| ليالى المنى | د. محمد صلاح جعفر |
| حكايات عاش الملك | الدسوقي سيد أحمد |